

各省新聞

○東省日前孔燕庭上公大會本省各學堂

學生於李公爾計高等武備師範各學堂到者共三百餘人聞係為商辦學務起見散會時並合照一相以為紀念

○江甯籌防局札飭澄波輪管帶略

謂該輪天篷係上年正月間由局准領未據繳舊本年四月間該管帶指報被風吹壞請換新篷即經批飭是否屬實能否修補未准照換六月間復據報稱帳篷損碎無從著手等情到局查該篷上年春間換給今甫年餘即如此損壞顯係枯篷抵用即飭本局提調汪牧喬年確查具復去後茲據該牧稟復該船大篷共五幅均屬破裂腐腐處處洞穿密如星點考察布質固非去年甫換之篷隨主該管帶王金相廬所調驗前換未繳之篷反較完好等情並據該牧在該管帶廬所提到上年給領之篷本總辦眼驗該篷實係大半新之件後兩幅雖被烟火燒穿數孔餘尚完好補綴甚堪俾用查七月初八日本總辦隨侍師即赴江干驗看江元快船該管帶乃將較好之篷卷而藏之而以從前木料朽破不堪者張掛何差不知是何居心實屬隱蔽取巧當此局欸多艱各差輪遇有領用煤油物件涉於冒濫送經嚴核駁斥查該管帶領煤升火停火浮銷尤甚亦經嚴加申斥今猶如此朦蔽罔知顧忌若不予以懲創不足以儆將來并將各輪效尤之漸應將該管帶記大過一次以觀後效責令將上春所領之布篷損破者刻日賠換所有前日張掛之壞篷遵繳到局以重公務倘仍不知愧悔何意妄為定即撤委

○去冬湘省女學堂奉 旨飭停後各學生風流雲

散茲省垣湘春門有某神私立一女學堂招女學生四十名已於上月開學門外並不懸牌俟有成效再行稟請學務處立案又日本留學生藤君刻亦擬在邵陽縣創設女學即將告成

○湘省城內外銅元局開創後省內雖不暢口而上

遊各屬行用頗多昨因邵陽衡州等處有盜鑄者遂疑所有銅元皆非官鑄相率不用現由地方官出示曉諭行用

○清江警察軍保營兵改調不合程度劉廷帥特

由北洋調來警察學員於慈雲寺內設立警察學堂派提調前赴桃源宿遷一帶招募合格之兵百名以資練習即以沈係二提調為教員現已招有六十八名先設警察教練所詳習章程仍俟續招足額

○清江銅元局委員薪水均發銀款自十二

兩至三十兩不等茲聞一律改為洋數並又酌裁十人以節費用

○淮安府中學堂自去歲開學額設外埠學

生二十名每月津貼膳修費四元現又推廣二十名共四十名凡年在十六歲以上中文粗通者即為合格聞中清已於上月二十日考驗以外四縣月終報名考驗俟考後再遵學堂章程備存保證書

○清江東門外蒙學堂向設慈雲寺中近因新招

警察學生多名設所教練警務寺屋不敷遂遷至學宮內尊經閣開課

教堂春間由會中在海州購地一畝茲由米德安教士前往建教堂以資宣道聞房屋暫用華式云

○開設雷電學堂

江陰黃山水旱雷局總辦方刺史舉鳴春問曾擬擇方家池王宮內創設雷電學堂後因撤差而止八月間委員曾大令紀安已將馬鞍山所造水旱雷局房屋二百餘間漸次告竣總辦黃千戎以雲稟准制軍開設雷電學堂延請教習六人分東文西文國文體操四門學生定額四十名挑選隨營暨本地紳戶之年少聰穎者充之月給費銀五兩現已足額

○甬甯云台州府黃巖縣陳伯屏大令前曾稟准給

假南旋現陳令因急欲回歸於署未以前稟經台府札委潘秋舫大令崇桂先行代理即日起程

○蘇省太湖水師左右營前署撫端午帥於裁

併各營改練步隊案內 奏明請裁在案茲因太湖協副將韓元孔屬土周昌朝等以太湖左右營所轄汛地緊要一經裁撤沿湖廳縣盡紳空虛居民行船均多危險具稟陸春帥擬請免裁經春帥檄飭督辦蘇防營務處朱 乘訪查得太湖縱橫八百里界連江浙兩省境轄十縣一廳汪洋巨浸港汊紛歧素為梟盜出沒之區利用水師全賴太湖左右兩營師船分汛巡防該二營額設八團杉板各二隻每船額兵一十六名長江杉板各十六隻每船額兵一十二名已慮地廣兵單不敷分佈倘再裁撤必致汛防空虛至留防一軍名為太湖水師實因餉出罄金僅供蘇屬護卡之用因詳復請仍免予議裁並將右營照案歸左營副將節制責成就近稽察督飭操防聞春帥復查無異會同署江督周玉帥附片具陳

○俄艦移泊滬口

俄函云日俄戰事已和所有從前拘禁上海浦江之俄國運送艦業已宣示釋放各運艦均由中浦移泊滬口張華濱三夾水等處船尾所懸國徽係黑白藍三色

○滬口代統第八標常備軍兼統留防隊節制各炮

台事宜張繼良遊戎因今夏接統後即遷更屬弁致為同營不平屢啟齟齬九月廿七夜張忽派軍械官張兆璋同一書記至炮台叫開營門並不知照總台官遷至各台調隊聽點各兵弁均在夢中驚醒不知何事互相傳述人心惶惑經總台官陶子勳都戎聞報出查大為不然以為並無令下黃夜到台恐有變端節將擅開營門之號房楊某責懲聞張尙不自引咎將以陶台官抗不應點為辭向上台稟詳矣

○滬函云昨禮拜六午後有三火車由申返滬適

遇洋機司管車開足機力捷馳甚速至江灣北首有大北電報公司承造之美德荷三國陸上(鉛白羅)線管工西人乘一軌道搖車由北而南避讓不及突將搖車擊撞粉碎火車汽機亦被枕毀以至半途不能行駛幸管車人趕即報知張華濱機房另派一汽車到彼接拖回滬然已越時三刻矣

○滬函云張季直殿撰王丹揆京卿等于上月廿八

日由申乘火車蒞滬會同寶 縣王緯辰大令等在炮臺灣大校場週圍察勘公地數段中分復且水產商業捕漁等學堂操場之用其中復且商業二學堂佔地為多將來水產捕漁公司即假大校場演武廳一

○清江耶穌堂長老會時往海州一帶傳教惟無

海州建教堂